



**SURAT EDARAN PENTADBIRAN
BILANGAN 9 TAHUN 2020**

**PERINGATAN MEMATUHI ARAHAN YANG
DIKELUARKAN OLEH KERAJAAN DALAM
TEMPOH PERINTAH KAWALAN PERGERAKAN
DI
UNIVERSITI TEKNIKAL MALAYSIA MELAKA**

Pejabat Pendaftar
31 Mac 2020 | 6 Syaaban 1441H

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/3 JLD. 2 (9)

31 MAC 2020
6 SYAABAN 1441H

SURAT EDARAN PENTADBIRAN BIL. 9/2020

PERINGATAN MEMATUHI ARAHAN YANG DIKELUARKAN OLEH KERAJAAN DALAM TEMPOH PERINTAH KAWALAN PERGERAKAN DI UNIVERSITI TEKNIKAL MALAYSIA MELAKA

Surat Edaran Pentadbiran ini dikeluarkan untuk memaklumkan kepada semua staf dan pelajar Universiti Teknikal Malaysia Melaka (UTeM) berkenaan peringatan mematuhi arahan yang dikeluarkan oleh kerajaan dalam tempoh Perintah Kawalan Pergerakan (PKP).

Sebagaimana semua staf sedia maklum, Kerajaan telah melaksanakan PKP bermula 18 Mac 2020 sehingga 14 April 2020 bagi menangani penularan wabak COVID-19. Pelaksanaan PKP ini adalah meliputi penutupan semua institusi Pendidikan Tinggi (IPT) termasuk Universiti Awam (UA) dan Institusi Pengajian Tinggi Swasta (IPTS).

Justeru dalam tempoh PKP ini, semua staf adalah dimohon untuk mematuhi sepenuhnya arahan yang dikeluarkan oleh Kerajaan serta Majlis Keselamatan Negara (MKN) dan Kementerian Kesihatan Malaysia (KKM) dari semasa ke semasa. Semua staf hendaklah memastikan perkara berikut dipatuhi:-

- i. Tiada pergerakan staf dan pelajar dalam tempoh penguatkuasaan PKP ini;
- ii. Pihak Universiti sama sekali tidak dibenarkan mengeluarkan arahan kepada staf dan pelajar untuk hadir ke kampus;
- iii. Hanya staf yang berurusan dengan perkara berkaitan keselamatan dan termaktub dalam *essential services* sahaja dibenarkan untuk berada di kampus. Bagi staf yang tidak terlibat, mereka hendaklah bekerja dari rumah dengan pemantauan oleh Ketua Pusat Tanggungjawab; dan
- iv. Pihak Kementerian Pengajian Tinggi (KPT) akan meletakkan kesalahan mana-mana warga UTeM yang melanggar arahan PKP di atas tanggungjawab Pengurusan Universiti. Oleh itu, staf diberi peringatan keras

agar senantiasa mematuhi PKP dan memberi kerjasama sepenuhnya kepada pihak berkuasa. Kegagalan untuk berbuat demikian boleh menyebabkan staf dihadapkan ke tatatertib selaras dengan Akta Badan-Badan Berkanun (Tatatertib dan Surcaj) 2000 (Akta 605)

Bersama ini dilampirkan Soalan Lazim (FAQ) Perintah Kawalan Pergerakan (Movement Control Order) bertarikh 21 Mac 2020 yang telah dikeluarkan oleh Kementerian Pengajian Tinggi untuk rujukan dan makluman semua staf.

Surat Edaran Pentadbiran ini berkuatkuasa mulai 1 April 2020.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka



**PERINTAH KAWALAN PERGERAKAN (MOVEMENT CONTROL ORDER)
KEMENTERIAN PENGAJIAN TINGGI**

A) *UNIVERSITI AWAM (UA) DAN INSTITUSI PENGAJIAN TINGGI SWASTA (IPTS)*

1. Bagaimana dengan pengurusan pelajar bagi yang tidak dapat pulang ke rumah masing- masing?

Bagi pelajar UA dan IPTS tempatan yang masih berada di kampus (kolej kediaman, rumah sewa atau kediaman peribadi yang lain) perlu **KEKAL** berada di premis tersebut dan **TIDAK DIBENARKAN kembali ke** kampung halaman walaupun bagi pelajar yang telah membeli tiket pengangkutan.

Pelajar UA dan IPTS antarabangsa **DIBENARKAN** untuk pulang ke negara asal masing-masing tetapi **TIDAK DIBENARKAN** kembali ke Malaysia sepanjang tempoh Perintah Kawalan Pergerakan dikuatkuasakan, atau apa-apa tempoh yang ditetapkan oleh pihak berkuasa. Pelajar antarabangsa yang tidak pulang perlu **KEKAL** berada di kediaman kampus (kolej kediaman, rumah sewa atau kediaman peribadi yang lain) masing-masing.

Para pelajar hendaklah melaporkan kepada pihak pengurusan UA dan IPTS dan tertakluk kepada perintah yang berkuatkuasa. UA dan IPTS perlu bertanggungjawab ke atas keperluan asas, keselamatan dan kebajikan pelajar sepanjang keberadaan mereka di kampus.

2. Adakah operasi perkhidmatan diteruskan di kampus?

Semua operasi di UA dan IPTS adalah ditutup sepenuhnya kecuali perkhidmatan penting (*essential services*) seperti air, elektrik, tenaga,

telekomunikasi, pos, pengangkutan, penyiaran, kewangan, perbankan, kesihatan, farmasi, keselamatan, pembersihan, infrastruktur penyelidikan, peruncitan dan bekalan makanan.

Perkhidmatan penyediaan makanan di UA dan IPTS boleh beroperasi dengan hanya melalui pelaksanaan penghantaran makanan atau pembelian makanan secara bungkus sahaja.

3. Bagaimanakah kami boleh mendapatkan maklumat terkini berhubung Arahan Kawalan Pergerakan?

UA dan IPTS adalah disarankan agar sentiasa peka dengan arahan yang dikeluarkan oleh pihak berkuasa dari semasa ke semasa. UA dan IPTS boleh mendapatkan maklumat terkini dengan melayari saluran telegram MKN Rasmi <https://t.me/MKNRasmi>.

KEMENTERIAN PENGAJIAN TINGGI

21 MAC 2020